

全遺馮泰運纂覓康熙志舊序及和八景古詩原韻

東安縣志卷之二

食貨

戶

唐開元二十三年一萬二千戶 遼史

本朝原額四千六百一十一戶

今見在一千七十二戶

逃亡二千六百九戶

口

原額三萬二千口

東安志

卷之二

一

今見在當差六千三百四十九口

外優免二千五百五十八名

莊田

未央宮

田三百二十九頃八十七畝八分九厘二毫七絲
今有指揮李偉討八十五頃三十五畝六分

永清公主

田八十七頃四十九畝

永安公主

田九十七頃三畝今改 仁孝宮

恭聖夫人

田五十五頃八十七畝五分

英國公

田一十三頃六十七畝

鎮遠侯

田二頃四十畝



太寧侯 田一十一頃

安平伯 田二十七頃一十六畝四分

惠安伯 田六十二頃一畝

嘉祥公主 田二百二十一頃三十畝二分二厘

順義府儀賓 田五十八頃三十六畝

錦衣衛指揮 田六頃

隆善護國寺 田一頃八十四畝四分八厘

壩大馬房 地二百三十三頃一十八畝九分九厘

壩北馬房 地一十五頃四十六畝三厘八毫

東安志

卷之二

二

二九六

牧馬草場 地四十一頃四十四畝一分隆慶四年新添

貢賦

官民地 共三千六百六十五頃三十六畝九分四厘二毫二絲四忽五微

官地 五百三十八頃七厘二毫二絲四忽五微

民地 三千一百二十七頃二十六畝八分七厘

夏糧 六百九十一石七斗三升二合

秋糧 下七百四十八石五斗一升五合八勺二抄四撮二圭七粒七粟

馬草 一十萬六千三百六十束九分一厘九毫二絲二忽二纖

人丁絲 折絹七十二疋一丈二尺

農桑絲 折紉一百七十六疋二丈三尺二分五厘

戶口食鹽 鈔七萬六千七百六十貫

地畝花絨 一千三百七十八斤六兩

商稅 銀八十一兩八錢八分

魚課 銀二十六兩五錢

以上廛額制也自此制後國事日煩征求日多徐徐添派如縷民何得不窮且逃耶今將額後逐年旋添民賦開具于左

地畝 銀二千二百九十六兩七錢九分五厘四毫

東安志

卷之二

三

十五

按嘉靖二十九年達虜入境此年脩邊本縣起夫四千餘無處湊作工食上司明文令起地畝銀加追十二次是一時兼用十二年之地畝可勝嘆哉

光祿寺菓品 銀二十兩五分六厘

牲口 銀九十三兩

科道皂隸一十三名 共銀一百三十三兩二錢

本府皂隸二名 共銀二十四兩

國子監膳夫四名 共銀四十四兩

苦蓋木植蘆葦夫三名 共銀四十五兩

本縣儒學齋夫四名 共銀四十八兩

藍靛 銀三十兩

刑部棘茨 銀八兩七錢五分

荆杖 銀十兩五錢

米窖芻稽 銀二十二兩六錢六分

蘆葦 銀一十三兩

砍柴夫 銀一千三百四十三兩七錢

擡柴夫 銀一千一百二十五兩七錢

新添木柴夫 銀九十五兩

東安志 卷之二 四 五

工部四司料價 銀一百九十五兩五錢七分五厘

搬運木柴夫 銀九十五兩

胖襖七十一副三分毫 共銀一百七兩四分九厘九

光祿寺馬連根 銀一十九兩

太常寺建言民情蘆葦 銀一十三兩

協濟良鄉縣五色土 銀三十二兩五錢

總督軍門廩給 銀二十二兩五錢 嘉靖三十五年新添

昌平道紙劄 銀五十兩

本縣皂隸五名 銀六十兩

儒學膳夫二名 銀二十四兩

鄉飲春秋二祭無祀鬼魂 共銀一百二兩

協濟各驛通站糧 共一萬五千六十石

役

力差 銀二千五百九十四兩一錢八分

內承運庫夫一十四名 共銀七十兩

天財庫夫十八名 共銀九十兩

都察院庫子二名 銀二十兩

會同館夫十四名 今准改銀差

東安志

卷之二

五

三

御馬監脚夫五名 該銀一十八兩

廣盈庫夫一名 該銀三兩六錢

明智坊庫夫六名 共銀四十三兩二錢 今改銀差

舊州民壯十二名 共銀四十三兩二錢

本縣民壯四十名 共銀一百四十四兩

國子監廟戶一名 該銀三兩

京衛武學門子一名 該銀三兩

國子監醫生一名 該銀三兩

提學二 察院皂隸三名 共銀三兩六錢

巡監

靈濟宮佃戶一名 銀一兩八錢

本府堂上各衙門皂快陰陽生共二十五名 共該銀十四兩

本縣馬快手一十六名 共銀一百六十兩

本縣舖司兵一十六名 共銀四十三兩二錢

預備倉斗級二名 該銀三兩二錢

儒學門子二名 共銀四兩

儒學斗級四名 共銀十兩四錢

河口堤夫一百三十二名 共銀四百七十五兩

壩上脚夫一名 該銀三兩

東安志 卷之二 六

各馬房脚夫一十八名 共銀五十四兩

新添各馬房倉脚夫五名 共銀一十五兩

小直沽巡檢司弓兵二名 共銀六兩

物產

穀類

黍 稷 大麥 小麥 蕎麥 菊秫

穀 黃豆 紅豆 芸豆 白豆 黑豆

蔓豆 菜豆 廬豆 芝蔴 黎豆 粘藜秫

稗子 黏穀 稻

蔬類

葱 蒜 韭 芫荽 芥 白菜

芹 茄 蒼筤 蒿苳 赤根 蘿蔔

藕 蒲笋 瓠 葫蘆 茴香 香椿

香菜 山藥 白芍菜 莧

瓜類

王瓜 西瓜 東瓜 北瓜 甜瓜 南瓜

菜瓜 地蛋瓜 絲瓜

菓類

東安志

卷之二

七

梨 棗 杏 李 桃 沙菓

蘋菠 核桃 葡萄 金梅 水梅 石榴

玉菓子 忠紅 麝香紅 虎喇檳 金桃 櫻桃

菱 雞頭 地栗 楸子 蓮子 柰

木類

榆 柳 槐 椿 楊 松

栢 杜 銀母 檳榆 桑

花類

菊 各色 葵 葵 各色 玉簪 萱草 牡丹 芍藥

獸類

牛 馬 騾 驢 猪 羊

獐 犬 猫 狐 鹿 貉

兔 狼 鼠

鱗類

鯉 鮎 鯽 鱖 鱗 鱒

銀魚 麵條 淮

介蟲類

蛇 蝎 蛙 蛾 蠶 螃 蟬

東安志

卷之二

九

三十一

蝦 蟹 蚌 蝸 蟬 蜂

蝶 蚊 蟻 蝨 蛄 蚯 蚓

促織 蝎虎 蟋蟀 蜘蛛 蜻蛉 螳螂

貨類

絲 蜜 蠟 綿 花椒 紅花

苧麻 蒲蓆 葦簾 葦箔 葦蓆 柳器

鹽法

戶口食鹽 折鈔七萬六千七百六十貫

鹽院鹽斤 每年解銀一十二兩 巡鹽民壯 每季

按食鹽固取給國賦實民生一日不可缺者禁遏私販開通官鹽制亦善矣近有壟徒承嚴禁私販之時藉齊天難抗之勢載鹽無數欺壓職司挨門強給非惟斤數不足又且價銀加倍雖安石之青苗法亦不過是夫東安自洪武以來未有挨門強散之法自萬曆九年始噫鹽本養民之物而反爲虐以一商興利之故而害及聚縣爲民父母寧不爲之痛心乎近蒙

知縣阮宗道一爲國賦計一爲民生計平日嚴禁

東安志

卷之二

十

二五十一

私販官鹽至亦不照前強散特令鹽商平價自賣國賦民生兩得之矣噫後之司民牧者不可不留心以斯

按食貨志所記者戶口貢賦力役物產 國初戶口繁多貢賦寬裕力役減省物產饒洽邇年以來渾河爲害戶口日損貢賦日急力役愈繁物產愈耗司民牧者觀此宜加存恤亦可以望凋瘵之漸甦矣

東安志卷之二終

東安志二卷補遺

戶口

國制 每里十甲每甲里長一戶甲首十戶又有畸零戶此十戶之外附餘者洪武初我邑編四十四里該戶四千八百四十而畸零尚多則戶口槩可見矣黃冊每十年大造一次民數具載版圖但地瘠差重流移逃亡者甚多雖中間不無生息實不能補空虛之數故至今丁無全戶戶無全甲甲無全里甚至里甲併戶丁而無子遺如脩政宣化是也皆由見戶包逃逃丁不罪則見者效尤逃者不復則人地兩虛上司每以人逃地不逃爲論殊不知逃者實因地累而去也本人一去此地或爲豪強侵隱其糧草或爲他人詭寄加之年月積久則地去糧存地日少而糧日重見者不去則包逃寧有已乎有云戶口不增者請深究之

田畝

東安田畝之數不減於昔而可耕之地實縮於舊縣北十二里多沙灘南八里多積澇東西五里又

荒蕪且上有蕃育署之吞沒下有各莊田之侵占
加以逃亡戶多奸民影射里胥低昂小民之顛連
窮困久矣語有云井田廢莫善於限田限田革莫
善於均田蓋田均則賦平而無包賠失業之患昔
侍御胡公汝輔作令之時嘗奏均之後以調去行
之未果今欲爲民立經常以定制酌盈縮以宜時
均田一事誠長吏之責也

莊田

按未央宮子粒徵於戶部曩時地無水占田皆沃壤

東安志

卷之二

十三

三十三

故軍民開種納租自易邇來葛漁城二十二處九
河泛漲平地水深丈餘民何從而耕租何從而辦
上人徵催仍急民何以堪况正德年間管莊各役
大肆吞噬地之鄰近者皆強占以去今民田冊有
一項之額實無二三十畝之數地旣賠稅糧馬草
又徵租銀子粒欲民不困窮不逃徙安可得乎前
侍御俞公胡公車公親見其弊相繼文勘爲之停
徵民困稍甦吾聞爲政猶張琴瑟琴瑟不調必解
而更張之乃可鼓也爲今之計宜一審覈凡水占

積荒者蠲之侵吞者復之民庶幾得免爲魚乎
俱舊志

差役

東安土瘦民貧比他州縣斯爲下矣而差繁役重實
倍於他處以地畝言之霸州每畝出銀六厘他州
縣更又有輕者東安縣出銀一分三厘不旣倍之
乎至於人丁胡知縣奏議霸州下下丁出銀三錢
文安大城二縣止出二錢惟獨東安縣出銀四錢
八分當時已稱過矣目今下下戶出至五錢五分

夫丁曰下下者爲其無田產房屋生理也爲人傭
力也四方就食也是安所出銀乎况出而又倍之
乎宜其貧者益貧日就逃亡倘上人不加意曲處
之京輔要地何以稱重根本宣王化乎噫

東安志卷之三

官政

公署

縣治舊在常道城東耿就橋行市南因渾河水患
洪武三年十一月主簿華得芳移治於常伯鄉張
李店郎今縣治是也永樂二年知縣李驥重脩

譙樓

在縣大門上轉角二簷重樓高廣誠一邑壯觀正
德十一年知縣武魁創建至嘉靖四十五年知縣

東安志

卷之三

王宗堯拆廢

儀門 四楹

角門 二座

戒石亭一座

在儀門內萬曆九年知縣張汝瀛撤
去戒石易以木匾而金填其字

牧愛堂

四楹知縣馮沂
改忠愛

庫房一間

在堂左

藏房一間

在堂右

儀仗庫

在藏西

贊政廳

在庫東

思政堂

六楹在牧愛堂後
東西兩廂房

知縣宅

在思政堂後坐
北向南

縣丞宅

在正東今廢

主簿宅二所

一催糧一管
馬今俱廢

典史宅

在縣丞宅南坐東
向西

大房

吏戶禮馬科承發司共五間在堂墀東
兵刑工架閣庫舖長司共五間在堂墀西

吏公廨 東西各十間今廢

衙神祠 在大門內甬道東

鍾樓一座 在甬道東

鼓樓一座 在甬道西俱知縣王邦直建立

寅賓館一所 在鍾樓北知縣張汝蘊創建 獄 在二門外甬道西

察院行臺 在縣治東坐北向南大門四楹二門一
座角門一座正堂四楹皂隸房各二間

堂後寢室四楹東書吏房二間西廚房一間

順天行府 在縣治西南隅久廢萬曆六年知縣韓景閔
改爲馬神祠

金臺書院 在東街三官廟西萬曆四十六年知縣
陸燧建

東安志 卷之三 二

稅課司 在縣治西洪武八年知縣侯文秀創建久
裁革

河泊所 在縣治西久革

陰陽學 在縣治東今廢洪武 醫學 在縣治東今廢
初知縣秦士弘創

申明亭 旌善亭 久廢嘉靖年間知縣成印重脩又廢
萬曆十一年知縣阮宗道重修

養濟院 在縣治大南街西衛衙萬曆十一年知縣
阮宗道重修

僧會司 在縣治西廣嚴寺

演武場 在縣治東門外坐北向南正廳四楹旗竿
一座

附舖舍

常甫舖 在縣治北二十里 祖哥庄舖 在縣治北四
十里

李家舖

在縣治北九十里

馬園舖

在縣治東二十里

學校

廟學

在縣治西先唐開元間建於耿就橋行市前元中
統四年改縣為州陞為州學至正二十三年因渾
河水患移於州治東朝正坊我

國朝洪武二年改州為縣又為縣學三年復因渾
水患隨縣通遷於張李店即今廟學是也宣德五
年知縣王友信重脩天順七年知縣馮珍復重脩

東安志

卷之三

三

二十七

先師殿宇

六楹知縣馮珍重脩舊有塑像嘉靖十年承制撤
去易以木主改稱 至聖先師孔子神位撤像祭
文知縣韓襄所作云

德出帝王上固不假爵而榮神與造化游亦不依
形而立撤塑像而易之以木章王號而尊之以師
此固 時王之新制亦我夫子之夙心也

東廡七間

西廡七間

隆慶五年知縣王邦直重脩

神庫房二間

在文廟右

火廢